

IA

DIVERS.
TRAICTES.
HISTOR.

IA

IA

IA

IA



cm 1 2 3 4 5 6 7 8 9 10 11 12 13 14 15

19 18 17 16 15 14 13 12 11 10 9 8 7 6 5 4 3 2 1



UNIVERS.
MUSEUM
HISTOR.

III

III

III

III

III

III

OE xv
754

Pièce 1.	Daunou	381-	
2	-	912-	Pellacher 4168 ^{bis} =
3	-	915	- 4618
4	-	913	
5	-	914	- 3899
6	-	916	
7	-	917	
8	-	918-	

Toutes les autres pièces sont du XVI^e siècle.

Æ XV 754 p. verte

ancien L 4° 463

Relure aux armes de
De Thou avant
ses deux mariages

OE xv
754

les ioustes

Faites a Paris en la rue saint anthoine huytiours
apres l'entree du roy Loys dou zieme de ce nom.
L'an mil. cccc. quatrevingtz & dixhuyt.



cm 1 2 3 4 5 6 7 8 9 10 11 12 13 14 15

cm 1 2 3 4 5 6 7 8 9 10 11 12 13 14 15 16 17 18 19

LES JOURNAUX

Le Journal de la presse française
Le Journal de la presse étrangère
Le Journal de la presse internationale



cm 1 2 3 4 5 6 7 8 9 10 11 12 13 14 15

**¶ Cy cōmence la Declaration
des ioustes**

Dire puis na gueres la Dame du cyne: elle
estant en ses pays de germanie: a sceu le
tresheureux aduenement a la tresnoble
couronne de france / De Vous treschrestie
Roy Loys douziesme de ce nom Et que a Vostre nou
uelle entree en la Ville de Paris se trouueront grans
de affluence de princes & de dames pour Vo^r recueillo
ir & receuoir comme il appartient. A ceste cause sire
icelle Dame desirāt faire ample declaration de la grāt
ioye & plaisir quelle a eu de Vostre treseureuse prospe
rite comme Vostre prouchaine parente. Et congnoiss
ant q^d des le temps de son ieune aage Vo^r auez ay me
& exaulce le tresnoble fait & exercite d'armes tant & si
grandement que Vostre renommee en est espandue par
l'uniuersel monde. Elle Vous enuoye Vng sten enfāt
acompaigne de cinq aultres ses parens et seruiteurs
nourriz en sa maison sous gentilz hōmes de nom & d'ar
mes: Pour a l'ayde de dieu: & de nostre dame & de mons
seigneur saint george tenir Vng pas & y faire & parache
uer les ioustes & faiz d'armes / selon les chapitres
cy apres declarez / Vous suppliāt sire tres humblemēt
luy permettre ce faire / Et luy bailler lieu / tour / tēps
et place pour soy trouuer avec son enfant: oinst & com
paigne deuers Vo^r / affin de parfournir a son emprise
Et permettre aux nobles hommes de Vostre maison
de leur ayder a icelle emprise paracheuer / En leur
donnant congie de toucher a le scu de ladicte Dame / Et
bailler leurs tēps & armes aux heraulx et officiers
d'armes ayans la garde dudit escu.

Et sera pendu le scu de ladicte Dame. & garde par
lesditz officiers d'armes hapt iours deuant le dit pas.
Et a icelluy escu serot tenuz toucher tous les nobles
hommes de nom & d'armes qui voudront courir pour
apres estre enregistrez par lesditz officiers d'armes/
& estre despeschez selon lordre & renc qlz aurot touche.

Lesd. ioustes & faitz d'armes seront en harnois de
ioste sans y mettre nulle estache ne harnois qui de
ioste / sur peine destre mis hors des rences.

Item le venant de dehors pourra courre se faire le
veult dix courses. Et celluy qui esdictes dix courses
faisant ront cinq lances / lesd. dix courses seront ache
uees. Et aura pour gage sur son cōpaignon vne vers
ge de cent escuz dor ou audessous : qui sera deliuree
sur le champ au herault pour la porter a la volente
du gaigneur a telle dame ou damoiselle ql lut plaira.

Item si le cheual de celluy ou ceulx qui courront
tant de dedens que de dehors refuse a venir a la lisse
en ce cas il pourra prendre vng autre cheual : pourueu
que celluy qui sera dedens le champ attēde que lautre
soit retourne pour parachēuer sa course

Et sil aduenoit que quelqun fust porte tus de coup
ou de lace dedens & faisans lesd. dix courses pose ores
que ce fust la premiere / en ce cas toutes autres cours
ses seront reputees pour acheuees sans plus courre

Et sil aduenoit ql tumbast par fortune de lance : de
page ou pmy lance gettee a terre ou autrement / en ce
cas en pourra prendre vng autre.

Et nentrerot de ceulx de dehors dedens le champ
plusgrāt nōbre q la moitie des tenans / cest assauoir se
ilz sont six que trois a la fois.

Item aura chān iousteur quatre suiteurs seulement

à seront les laces de mesure prises des iuges. les qilles
laces garnies dagrapes & de roches / ceulx de dedens
les fourniront. ¶ Item pour faire cesser toz des
batz & qstions qui pourrôt suruenir / les tenans enten
dent q toutes lances rompues a la teste vauldrôt deup
Et toutes autres sauf les croisees vauldrôt vne: pour
ueu quil y ait quatre bois soubz le rochet / & pie & des
my soubz la main. ¶ Item tout hōme qui frappera
selle ou cheual ne pourra gagner le maistre pris tant
dehors que dedens / mais acheuera lon le nombre des
courses pour pſenter a sa dame deuant ou apres se il a
mieulx fait & rōpu q son cōpaignon pour gagner ladi
cte verge. ¶ Item & si le p̄mier iour ceulx de de
hors pouoient estre despeschez le lendemain ilz se trou
ueront sur les rens pour despescher le surplus des cou
reurs qui nauront peu estre despeschez du p̄mier iour
¶ Itē & pour le grāt celluy q plus aura rōpu de laces
en faisāt sesd. courses pour ceulx de dehors aura pour
son pris vng riche dyamant de la valeur de mill escuz
dor ou au dessoubz q les dames luy enuoierōt par vng
officier darmes a ce cōmis & esleu. Et celluy de dedēs
qui semblablement aura mieulx fait aura vne bonne
bague telle ql plaira ausd. dames de la valeur de mil
escuz dor ou au dessoubz.
¶ Et pource quil pourroit sembler que ce seroit trop
peu a vng chūn coureur de nauoir que dix courses fait
assauoir ladicte dame que le tiers iour les dessusditz
tiendrōt les rens a qui mieulx mieulx & a la foule tāt
que le plaisir du roy & des dames sera.
Et se fournirōt chūn de lances roches & agrapes tels
les qlz vouldrōt pourueu qlles soiēt de mesure. & ro
chet receuable en tel cas: & q p les iuges sera ordonne.

Et pour les pas a toutes qui huyt iours apres l'en-
tree du treschrestien roy de france. Lors douziesme de
ce nom fut plante vng lys au bout des lisses enladite
rue saint anthoine assez pres de son hostel des tournel-
les / de la haulteur de trente piez de long / A la pointe
duquel estoient six fleurs: a chascun diceulx vng escu
pendant / Ausquelz escuz estoient figurees les armes
des seigneurs qui apres sensuiuent: pour tenir le dit pas
a toutes contre tous venans: au toyen aduenement
du roy nostre dit seigneur / Cest assauoir

Monsr le conte de ligny

Monsr le conte de neuers.

Monsr le marquis seigneur de clerieux

Messire pierre du ruy seigneur de vstan

Messire philippe de ravaastain.

Et messire loys de hedouille seigneur de sandricourt

Item a audessus diceulx six fleurons ou estoient
lesditz escuz pendans auoit vng lys tout espany / Du
quel pssoit vng cyon vert: au hault duquel estoit pose
vng noble escu de france a trois fleurs de lys dor rizi-
chement borde tout autour dun colier de lordre saint
michel seme de coquilles. Et p dessus led. escu estoit
vne riche couronne tymbree en facon dempereur. Les-
quelles choses dessusdictes estoient fort plaisantes a
voir a regarder

Item a en vne tournelle toingnant du lys deuant
estoient attachez semblablement les escuz des autres
seigneurs a cheualliers qui vouloient leurs corps es-
prouer audit pas a toutes: pour soustenir garder et
deffendre le dit lys toute fois que mestier en seroit

Et au pie du lis enuiron dix piez de hault estoit vn
paron en quarre en forme de charfaul / au auoit pla:

te de six heraulx d'armes pour attendre & enregistrer
par ordre tous ceulx qui se voudroient presenter en
rolles & pour attacher leurs escuz selon leur presentas
cion: portant en leurs cottes d'armes ung cygne blanc

¶ Et marchotent deuant a pie quatre gros tabours
de sursses qui sonnoient au son de quatre fleustes d'ar
gent menant grant bruit / ce qui faisoit beau veoir et
ouyr

¶ Et au commencement des ioustes partirent de lo
stel de bretaigne douze trompetes & clezons portans en
leurs trompettes les armes de plusieurs grans & no
tables seigneurs.

¶ Et apres lesdictes trompetes marchotent les he
raulx du roy nostre sire & d'autres plusieurs grans sei
gneurs / apres iceulx ung grant cygne blanc toutonne
d'une grant couronne d'or garnie de pierrierie: & pouoit
bien auoir ledit cygne dix piez de hault & de grosseur &
lequipollent.


¶ Et apres ledit cygne venoit ung grant porc espic /
monte sur vne terrasse qui par engin se remuoit & he
rissoit ses plumes. et sur ladicte terrasse auoit vne bel
le fille pucelle qui estoit assise en vne chaise hault es
leuee / laquelle estoit couverte de drap d'or cramois /
Et estoit ladicte pucelle abilliee a la mode de genues.
et en tournant autour des lisses il y eut des gēs sur
ung escharfauld / cuidans regarder ladicte pucelle ac
coururent sur le deuant dudit escharfauld: et tout fut
renuerse: & cheut a terre / Mais ne obstant ladicte pu
celle fit son circuit tout autour desd. lisses & s'en vint re
dre deuant le roy nresire: descendit de sa chaise & se mist
a deux genoulx deuant ledit r. & deuant monseigneur


de Bourbon deuant madame de Bourbon: & plusieurs
autres grans & notables princes & seigneurs qui estoient
la presens. Puis lad. pucelle sen retourna en sa chas-
se. Et tantost apres vindrent en armes les six dessus
nommez qui auoient entrepris le dit pas & toutes ac-
mencerent leur entreprinse.


E Item & a lencontre de quelz qui vouloient soustenir
le dit pas & toutes se presenterent les contes / seigneurs
cheualiers & autres cy apres declarez: qui presenterent
leurs escuz. Cest assauoir
monseigneur le conte de tallebourg
Regne pot seigneur de la roche pot
Francois de betencourt / Loys de foxel
Regne du plessis / Jehan de potiers
Ferry de croup: Guillaume damartin
Francois de roue: Ozeas de la bernade
Le barrois: Nicolas de louiters
Charles bastart de Bourbon: Monseigneur le bastart
de vendosme

Et audit pas & toutes dessusdictes fut rompu si grant
nombre de lances tant de coste que dautre qu'on ne sau-
roit dire: par lesd. seigneurs deuant nommez: ce que fais-
soit si beau veoir a ceulx qui pouoient auoir place
mais les bons & notables roys darmes & heraulx gar-
derent si bien le poure comun que audit noble pas & tou-
te ny eut aucun destourbier: sinon aucuns des eschar-
faulx qui cheurent par faulte de bien edifier.

Explicit







cm
1
2
3
4
5
6
7
8
9
10
11
12
13
14
15
16
17
18
19



cm
1
2
3
4
5
6
7
8
9
10
11
12
13
14
15